



BIRINCHI PREZIDENTIMIZ XOTIRLANDI

Prezident Shavkat Mirziyoyev
2-sentabr kuni Samarqand shahridagi
Hazrati Xizr majmuasiga tashrif buyurib,
Islom Karimov maqbarasini ziyorat qildi.
Qabr poyiga gul qo‘yib,
Birinchi Prezidentimiz xotirasiga
hurmat bajo keltirdi.

Qur‘on oyatlari tilovat etilib, duo o‘qildi.

Islom Abdug‘aniyevich Karimov O‘zbekiston mustaqilligini e‘lon qilib, davlat boshqaruvinu yangidan qurgan, tariximizning murakkab va og‘ir davrlarida barqarorlikni saqlab, xalqimiz manfaatlarini ta‘minlagan.

Prezident Shavkat Mirziyoyev uning bu xizmatlarini munosib qadrladi. Davlatimiz rahbarining 2017-yil 25-yanvardagi qaroriga muvofiq, Birinchi Prezidentimiz xotirasini abadiylashtirish bo‘yicha ko‘p ishlar qilindi. Yurtimizdagi yirik majmualar, shaharlardagi markaziy ko‘chalarga

Islom Karimov nomi berildi. Toshkentda Islom Karimov nomidagi ilmiy-ma‘rifiy yodgorlik majmuasi tashkil qilindi, Samarqandda maqbara barpo etildi.

Fidoylarini e‘zozlaydigan xalqimiz Birinchi Prezidentimizni hurmat bilan yodga oladi. Ushbu xotirlash marosimi ham o‘tganlar yodiga hurmat, yosh avlodga ibrat maktabidir.

Marosimda parlament va hukumat a‘zolari, jamoat tashkilotlari vakillari, mehnat faxriylari ishtirok etdi.

O‘za

SAMIMIY QUTLOVTLAR

Ko‘p millatli xalqimiz hayotidagi muhim sana — davlat mustaqilligining 32 yilligi munosabati bilan O‘zbekiston Respublikasi Prezidenti Shavkat Mirziyoyev nomiga xorijiy davlatlar va hukumatlar, nufuzli xalqaro va mintaqaviy tashkilotlar rahbarlari, taniqli siyosat, jamoat va din arboblardan tabriklar kelmoqda.



**O‘zbekiston Respublikasi
Prezidenti
Shavkat Mirziyoyev Janobi
Oliylariga**

Hurmatli Prezident janoblari!
Mustaqillik kuni munosabati bilan Sizga va O‘zbekiston Respublikasi xalqiga eng samimiy tabriklarimni qabul qilgaysiz. O‘tgan yillarda mamlakatlarimiz do‘stona munosabatlar va hamkorlikni yo‘lga qo‘ydi. Ular yanada rivojlanishiga, xalqlarimiz o‘rtasidagi almashinuvlar va

do‘stlik mustahkamlanishiga umid qilaman.

Chin yurakdan Sizga mustahkam sog‘liq va baxt-saodat, O‘zbekiston Respublikasiga esa uzluksiz ravnaq tilayman.

Hurmat bilan,
**Yun Sok YOL,
Koreya Respublikasi Prezidenti**



**O‘zbekiston Respublikasi
Prezidenti
Shavkat Mirziyoyev Janobi
Oliylariga**

Mustaqillik kuni munosabati bilan Siz, Prezident janoblariga va do‘st O‘zbekiston xalqiga farovonlik va ravnaq tilayman.

O‘zbekiston va Italiyani mustahkam do‘stlik rishtalari bog‘lab turadi. Ushbu do‘stlik Sizingning yaqindagi Italiyaga tashrifingiz davomida strategik sheriklik o‘rnatilishida o‘zining amaliy ifodasini topdi.

Ishonchim komil, Toshkent va Rim siyosiy, iqtisodiy va madaniy sohalaridagi, shu jumladan, Yevropa Ittifoqi bilan munosabatlar doirasidagi hamkorlikni yana-

da mustahkamlash mamlakatlarimizga manfaat keltiradi.

Tinchlik va barqarorlikni ta‘minlash vositasi sifatida mamlakatlarimiz o‘zaro muloqot va anglashuvga qaratayotgan e‘tibor bugungi sharoitlarda yanada katta ahamiyat kasb etmoqda.

Fursatdan foydalanib, Italiya Respublikasi va shaxsan o‘z nomimdan Siz va barcha yurtdoshlaringizni dildan qutlayman.

**Serjo MATTARELLA,
Italiya Respublikasi Prezidenti**

Xorijiy hamkorlar o‘z qutlovlarida keyingi yillarda demokratik yangilanishlar va milliy taraqqiyot yo‘lidagi ijtimoiy-iqtisodiy islohotlar dasturini amalga oshirishda, mamlakatimizning xalqaro maydondagi o‘rni va obro‘sini yuksaltirishda erishilgan ulkan muvaffaqiyatlarni alohida qayd etgan.

Ta‘kidlanganidek, yaqinda bo‘lib o‘tgan muhim siyosiy

voqea — yangilangan Konstitutsiyaning qabul qilinishi xalqimiz yangi O‘zbekistonni barpo etishga qaratilgan ortga qaytmas islohotlarni so‘zsiz qo‘llab-quvvatlayotganidan dalolatdir.

Tabriknomalarda davlatimiz rahbariga yangi muvaffaqiyatlar hamda O‘zbekiston xalqiga tinchlik, farovonlik va ravnaq tilaklari izhor etilgan.



**O‘zbekiston Respublikasi
Prezidenti
Shavkat Mirziyoyev Janobi
Oliylariga**

Janobi Oliylari,

O‘zbekiston Respublikasining Mustaqillik kuni munosabati bilan samimiy tabriklarimni yo‘llashdan mamnunman.

Pokiston O‘zbekiston mustaqilligini birinchilardan bo‘lib tan olgan mamlakat sifatida turli sohalarida ikki tomonlama hamkorlik aloqalarini mustahkamlashga katta ahamiyat beradi.

So‘nggi yillarda o‘zaro sa‘y-harakatlar natijasida Pokiston va O‘zbekiston o‘rtasidagi samarali davlatlararo hamkorlik barcha sohalarida umumiy manfaatlar yo‘lida izchil rivojlanib borayotgani qayd etiladi.

Ishonchim komilki, biz qardosh xalqlarimiz

farovonligi, mintaqamizda tinchlik, barqarorlik va bunyodkorona hamkorlikni ta‘minlash yo‘lida mamlakatlarimiz o‘rtasidagi strategik sheriklikni har tomonlama mustahkamlashda davom etamiz.

Pokiston xalqi nomidan Siz Janobi Oliylariga sihat-salomatlik, baxt-saodat va farovonlik, birodar O‘zbekiston xalqiga esa abadiy tinchlik va ravnaq tilab qolaman.

Janobi Oliylari, Sizga bo‘lgan yuksak ehtiromimni qabul qilgaysiz.

**Orif ALVIY,
Pokiston Islom Respublikasi
Prezidenti**



**O‘zbekiston Respublikasi
Prezidenti
Shavkat Mirziyoyev Janobi
Oliylariga**

Mamlakatimiz Mustaqilligi kuni munosabati bilan Sizga va xalqingizga Qatar Davlati xalqi nomidan hamda shaxsan o‘z nomimdan samimiy tabriklarimni va ezgu istaklarimni yo‘llashdan mamnunman.

Siz, Janobi Oliylariga, sihat-salomatlik va baxt-saodat hamda O‘zbekiston xalqiga farovonlik va doimiy taraqqiyot, shuningdek,

kelgusida mamlakatlarimiz o‘rtasidagi do‘stona munosabatlar yanada mustahkamlanib borishini tilab qolaman.

Yuksak ehtirom ila,

**Shayx Tamim bin Hamad OI SONIY,
Qatar Davlati Amiri**

Davomi 2-betda

TARAQQIYOT ODIMLARI

HAR BIR KUN IMKONIYAT, KELAJAK POYDEVORI

Ilm-fan yutuqlari va ilmiy-texnik taraqqiyot tufayli insoniyat uchun yil sayin keng imkoniyatlar yaratilmoqdaki, bu, avvalo, turmush tarzimiz yuksalib borishiga xizmat qilishi shubhasiz. Davr yuksak texnologik yutuqlarni taqdim etish barobarida oldimizga ko‘plab muammolarni ham ko‘ndalang qo‘ymoqda. Jumladan, dunyoda ro‘y berayotgan globalashuv va keskin raqobat sharoitida kon-metallurgiya sanoati korxonalarini uchun innovatsion g‘oyalari, zamonaviy bozor talablari asosida ishlash, mahsulot sifatini oshirgan holda tannarxini tushirish kabi masalalar yanada dolzarb ahamiyatga ega bo‘lmoqda. Binobarin, kundalik faoliyatda ularni hal etmasdan turib, sohada biror jiddiy natijaga erishib bo‘lmaydi.

Davomi 4-betda



DAXLDORLIK HISSI

MUSTAQILLIK TENGDOSHI BO‘LISH IMTIYOZ EMAS, MAS‘ULIYATDIR

Mamlakatimizni rivojlantirish, aholining turmush darajasi va hayot tarzini yaxshilash, mavjud muammolar bartaraf etilishida yoshlarning ham hisssasi katta. Men ham ana shu safda ekanimdan g‘ururlanam.

1991-yil Namangan viloyatining To‘rao‘rg‘on tumanida tug‘ilganman. Mustaqilligimiz bilan tengdoshman. Bu imtiyoz menga hamisha mas‘uliyat yuklagan. Bolaligimda negadir “Katta bo‘lsam, hokim bo‘laman”, derdim. O‘shanda, tabiiyki, hokimlik kasb emas, lavozim ekanini yaxshi anglamaganman.

Davomi 2-betda

KUN MAVZUSI

Tafakkur insonning turli-tuman axborotlarni aql yordamida tahlillash va unga tayangan holda oqilona qarorlar qabul qilishiga qaratilgan yaratuvchanlik faoliyatidir. Bu barcha tirik jonlar orasida faqat insongagina xos.

IQTISODIY YUKSALISHGA ERISHISH UCHUN

**BOSHQACHA FIKRLASHIMIZ,
YAXSHIROQ ISHLASHIMIZ KERAK**

Afsuski, iqtisodiy tafakkur mohiyati, uning ijtimoiy-iqtisodiy taraqqiyotni jadal-lashtirish, shakllantirish va rivojlantirishdagi ahamiyati tadqiqotchilarimiz e‘tibordan chetda qolib kelmoqda. Binobarin, tovar-pul munosabatlari batamom izdan chiqqan rejali iqtisodiyot sharoitida iqtisodiy tafakkurning jamiyat rivojidadagi roli sezilarli darajada susayib ketdi. Lekin

bozor munosabatlarga keng yo‘l ochib bergan zamonaviy sharoitda vaziyat tubdan o‘zgardi, ushbu omilning mamlakat ijtimoiy-iqtisodiy yuksalishidagi roli esa keskin oshdi. Shu bois, iqtisodiy tafakkurning jamiyat ijtimoiy taraqqiyotidagi rolini oshirish muammolari dolzarblashdi.

Davomi 5-betda

E‘TIROF

VATANNING SENDAN ROZILIGI — ULUG‘ SAODAT

Odamzodga ko‘p holatlarda tanlov imkoniyati berilgan. Jumladan, kasbni, uy-joyini, yaxshi yashash uchun zarur moddiy ashyolarni tanlash mumkin. Lekin Vatanni emas. Vatan bu — qismat. Uni sevish, taraqqiyoti yo‘lida jon fido qilish — burch. Buning uchun haq talab qilinmaydi. Lekin Vatanning sendan rozi bo‘lishi — ulug‘ saodat! Vatanning seni qadrlashi — hech narsa bilan o‘lchanmaydigan baxt!

Davomi 3-betda



TAHLIL VA TAQQOS



AHOLI XIZMATIDAGI TIBBIYOT BU ODAMLAR HAYOTI VA UMR MAZMUNINI QANDAY O‘ZGARTIRMOQDA?

5-betga qarang.

